

館課

癸巳三月下旬



門生李文燧

蕭曹丙魏相業評

人君之治天下也。有大本焉。首在用相而已矣。然相之大要有三。一曰識大體。一曰養德量。一曰明遠謀。何也。宰相係天下安危。得其體則不煩。得其量則不偏。得其謀則不亂。三者具而相業盡。於此治天下之大道亦盡於此。漢代多良臣。其最著者莫如蕭何。而曹參次之。丙吉次之。魏相又次之。四臣各有相業。不能無優劣之分。嘗試評之。蕭何事開創之君。與守成異。帝高征伐。多在外。何

守關中、收圖籍、營緝根本、漢所以得天下、以關

中根本先壯也、此何相業之大者、又何為相之初、首薦

韓信為大將、而三秦之計遂定、此亦得為相用人之

體、至於處家不治墻垣、帝居欲其壯麗、非分家園

為二、以天子四海為家也、次律令約三章、大端不可枚

舉、摠度越三傑、諸臣之上、史稱蕭何發縱、指示有

萬世之功、洵不誣耳、何所推賢、惟曹參、何死、帝與

諸臣議、以曹參可代為相、參與何仇也、至為相、一

一法何所為、較若畫一、至有載其清淨、民以寧一之

碩焉、參本武人、攻堅陷敵、是其所長、至其治天下

乃以無為為事、論者謂參能克己氣質、都變亦

定評也、越高惠文景、而佐宣帝者、丙吉特聞、吉深

厚不伐、不道前恩、有包荒涵容之量、問牛喘一

事、人以為知大體、蓋以燮理陰陽、即此可槩其餘

矣、至若魏相、與丙吉同心輔政者也、嘗言春秋譏

世卿、又嘗諫遠伐、深有得於責備賢者之義、先王

耀德之舉焉、請去副封、以防壅蔽、抑何其智、出千

古哉、究而論之、蕭以刀筆為公卿、曹以武夫為上

相丙以問牛不問人失輕重之大魏以過激殺趙等
失渾厚之體說者不能無遺議焉雖然三代而上
吾取其心不取其術三代而下吾取其術不取其心
嗚呼蕭曹丙魏亦人傑也哉

錦樹行 七言古

上林三月翠如茵萬紫千紅一般新
百丈游絲爭繞樹流蜂浪蝶競尋春
春枝上有啼鳥穿梭織花覺春好
曙煙逐澗遠浮空陌上玉孫遊芳草
俯瞰匝地芳與芷碧梧映螺夾噓紫
松筠駮發紫如霞紛々爭開桃與李
青青柳色弄嬌妍潤含時雨麗且鮮
滿目高標教春住上苑錦鋪借日懸
東風處々吹

皇澤草木效靈樂堯天

馬

圖